

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՀԱՄԱԿԱՐԳԻ  
ՁԵՐԲԱԿԱԼՎԱԾ ԱՆՁԱՆՑ ՊԱՇԵԼՈՒ ՎԱՅՐԵՐՈՒՄ ՎԵՐԱՀՄԿՈՂՈՒԹՅՈՒՆ  
ԻՐԱԿԱՆԱՑՆՈՂ ՀԱՍԱՐԱԿԱԿԱՆ ԴԻՏՈՐԴԱԿԱՆ ԽՈՒՄԲ

№ 2621/1430


10.07.2014թվ.

ՀՀ Ոստիկանության պետ,  
գեներալ-լեյտենանտ  
պարոն՝ Վ. Գասպարյանին

Հարգելի պարոն Գասպարյան,

Սույն թվականաի հուլիս ամսին այցելելով ՀՀ ոստիկանության Լոռու ՄՎ Տաշիրի ՁՊՎ արձանագրվել էր.


1. Եվս մեկ անգամ արձանագրեց, որ Տաշիրի ՁՊՎ-ում սպասքը չի օգտագործվում, որովհետև ինչպես Դիտորդական խումբը արձանագրել էր 2010թ-ից մինչև 2013թ-ը, այնպես էլ 2014թ-ին առկա է նույն 2 գդալ, 3 բաժակ և 2 ափսեն, որոնք չեն թարմացվում, ինչպես մնացած ՁՊՎ-ներում: / փաստը հաստատող լուսանկար- 1/:
2. Քննչական սենյակը կահավորված է ոչ ճիշտ: Խնդիրը կայանում է նրանում, որ սեղանի մոտի աթոռները տեղադրված են ոչ ճիշտ: / փաստը հաստատող լուսանկար- 2/:
3. ՁՊՎ-ում բացակայում էր ջրամատակարարումը:
4. ՀՀ ոստիկանության Լոռու ՄՎ Տաշիրի բաժնի միջանցքում քաղաքացիներին հասանելի տեղում բացակայում էր <<Ի գիտություն ձեռքակալվածների հարազատներին>> պաստառը, որը արդեն կրում է համատարած բնույթ:



Այսպիսով՝ խնդրում ենք ուսումնասիրել ներկայացված փաստերը և տալ մեկնաբանություն:

Հարգանքներով՝

ՀՀ ոստիկանության համակարգի ձեռքակալված անձանց պահելու վայրերում վերահսկողություն իրականացնող հասարակական Դիտորդական խմբի նախագահ՝



Հ. Սահակյան



## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՇՏԱԲ

375025, ք. Երեւան, Նալբանդյան 130 հեռ. 59-65-94

N 2/2-1-1837

<<30>> 07 2014թ.

Ձեր 10.07.2014թ. թիվ 2621/1430 գր.

### **«Ոստիկանության համակարգի ձերբակալվածներին պահելու վայրերում հասարակական դիտորդների խմբի նախագահ Հասմիկ Սահակյանին**

#### **Հարգելի տիկին Սահակյան**

Հայտնվում է, որ դիտորդների խմբի կողմից ս/թ հուլիս ամսին «Ոստիկանության Լոռու մարզային վարչության Տաշիրի բաժնի ձերբակալվածներին պահելու վայր կատարած այցելության ընթացքում արձանագրված հանգամանքները ուսումնասիրվել են «Ոստիկանության շտաբում և Լոռու մարզային վարչությունում, որի կապակցությամբ տրվում են հետևյալ մեկնաբանությունները:

1. ՁՊՎ-ի սննդի տաքացման սենյակում, այլումինե սպասքից բացի պահարանում առկա են եղել պլաստմասսայե մեկանգամյա օգտագործման սպասք 10-ական լրակազմով, որը թույլատրելի է «Կառավարության 05.06.2008թ. թիվ 574-Ն որոշմամբ հաստատված ««Ոստիկանության համակարգում գործող ձերբակալվածներին պահելու վայրի ներքին կանոնակարգ»-ի 26-րդ կետի 3-րդ ենթակետով: Այնուամենայնիվ, սննդի տաքացման սենյակի սպասքը թարմացվել է:
2. ՁՊՎ-ի քննչական սենյակում սեղանի մոտ տեղադրված են 3 աթոռներ, որոնք ներքին կանոնակարգի 121-րդ կետի պահանջի համաձայն ամրացված են հատակին:

Հարկ է նշել, որ ՁՊՎ գործունեությունը կանոնակարգող որևէ իրավական ակտով չի սահմանվում քննչական սենյակի աթոռների դասավորվածությունը և դրանց դասավորվածության հանգամանքով չեն խախտվում հարցաքննվող անձանց իրավունքները: Ուստի դիտորդների խմբին առաջարկվում է իրենց գործունեությունը ծավալել «Ոստիկանության պետի 2005թ. հունվարի 14-ի թիվ 1-Ն հրամանով նախատեսված դրույթների սահմաններում:

3. Ոստիկանության Տաշիրի բաժնի ջրամատակարարումն իրականացվում է ժամային գրաֆիկով և դիտորդների խմբի այցելության ժամանակ ջրամատակարարումը դադարեցված է եղել: Սակայն ՁՊՎ-ում տեղադրված է 100 լիտրանոց պլաստմասսայե

ջրի տարրա, որի ջուրը պոմպի միջոցով մատակարարվում է խցեր, սանհանգույց և լոգարան:

4. <<Ի գիտություն ձերբակալվածներին և հարազատներին>> պաստառը դիտորդների խմբի կողմից ոստիկանության Տաշիրի բաժնին տրամադրվել է դեռևս 2011թ-ին, որը փակցված է եղել բաժնի նախասրահի պատին: 2013թ. բաժնի վերանորոգման աշխատանքների ժամանակ նշված պաստառը հանվել է և հնամաշ ու հետագա օգտագործման համար ոչ պիտանի լինելու պատճառով, վերանորոգման աշխատանքների ավարտից հետո չի փակցվել:

Դիտորդների խմբին առաջարկվում է ՁՊՎ-ներ կատարվող այցելությունների ժամանակ իրենց մոտ ունենան նշված պաստառը և տրամադրեն ՁՊՎ-ների վարչակազմերին:

**ՀՀ ոստիկանության շտաբ**